

ՓՈԽՁԻՋՄԱՆ ՎՏԱՆԳԸ

ԲԱՆԱԼԻ ՀԱՄԱՐՆԵՐ.

Երրայեցիս 11.24-25 – Հավատով էր, որ երբ Մովսեսը մեծացավ, հրաժարվեց փարավոնի դստեր որդի կոչվելուց: Նա նախընտրեց Աստծու ժողովրդի հետ չարչարվել, քան թե միառժամանակ մեղսավոր վայելքներ ունենալ.

Ելից 5.1-3 – 1 Եւ հետո Մովսեսն ու Ահարոնը եկան եւ ասեցին փարավոնին. Այսպես է ասում Իսրայելի Տեր Աստվածը. արձակիր իմ ժողովուրդին, որ անապատում ինձ համար տօն կատարեն: 2 Եւ Փարավոնն ասաց. Եհովան ո՞վ է, որ նորա խօսքին լսեմ, և Իսրայելին արձակեմ. Տիրոջը չեմ ճանաչում և Իսրայելին էլ թույլ չեմ տալիս: 3 Եւ նորանք ասեցին. Երրայեցիների Աստվածն է հանդիպել մեզ. հրաման տուր, որ երեք օրվա ճանապարհ գնանք անապատում և զոհ մատուցենք մեր Տեր Աստծուն. միգուցե ժանտախտով կամ սրով հարձակվի մեզ վրա:

- Մովսեսի կյանքը մեզ սովորեցնում է, որ հավատքը միայն Աստծուն հավատալը չէ: Հավատքը նաև մեղքին, աշխարհին և փոխզիջմանը «ոչ» ասելն է:

Աստված Մովսեսին չասաց՝ «Բանակցիր փարավոնի հետ»: Նա ասաց.

Արձակիր Իմ ժողովրդին, որ անապատում Ինձ համար տոն կատարեն: (Ելից 5.1)

1. ԱՌԱՋԻՆ ՓՈԽՁԻՋՈՒՄԸ. «ԵՐԿՐԻ ՄԵՋ ԶՈՅ ՄԱՏՈՒՑԵՔ»

Փարավոնը կանչեց Մովսեսին ու Ահարոնին և ասաց.
Գնացե՛ք, ձեր Աստծուն զոհ մատուցե՛ք այս երկրում: (Ելից 8.25)

Փարավոնի առաջին առաջարկն այս էր. «Կարող եք երկրպագել ձեր Աստծուն, բայց մնացե՛ք Եգիպտոսում»:

Փարավոնն ասում էր. «Երկրպագե՛ք, բայց մի՛ հեռացե՛ք այն համակարգից, որի վրա ես իշխում եմ»:

Մովսեսը մերժեց այդ առաջարկը.

Ընդունելի չէ այդպես անել... Մենք երեք օրվա ճանապարհ պիտի գնանք անապատ և մեր Տեր Աստծուն զոհ մատուցենք, ինչպես Նա մեզ պատվիրի: (Ելից 8.26-27)

- Այսօր նույն առաջարկը հնչում է այսպես.

Քրիստոնյա եղիր, բայց ապրիր աշխարհի պես:

Եկեղեցի գնա, բայց մի հրաժարվիր մեղքից:

Աղոթիր, բայց մի փոխիր կյանքդ:

Չիսուսի անունը կրիր, բայց պահիր աշխարհի արժեքները:

- Մովսեսը հասկացավ, որ հնարավոր չէ Աստծուն ընդունելի կերպով երկրպագել՝ միաժամանակ մնալով Եգիպտոսի ազդեցության ներքո:

Մարմնի գործերը հայտնի են, որոնք են՝ շնություն, պոռնկություն, պղծություն, կռապաշտություն..., գիշություն, թշնամություններ, կռիվ, նախանձ, բարկություն, հակառակություններ, երկապառակություններ, բաժանություններ... (Գաղատացիս 5.19-21)

Դեմասը Պողոսի գործակիցն էր, բայց նրա սիրտը դարձավ դեպի աշխարհը.

Դեմասն ինձ թողեց՝ այս աշխարհը սիրելով: (Բ Տիմ. 4.10)

Առաջին փոխգիշումն ասում է. «Ծառայիր Աստծուն, բայց մի՛ բաժանվիր աշխարհի մտածելակերպից»:

Մովսեսի պատասխանը սա էր. «**Մենք այստեղ չենք մնալու**»:

2. ԵՐԿՐՈՐԴ ՓՈԽՁԻՋՈՒՄԸ. «ՇԱՏ ՅԵՌՈՒ ՄԻ՛ ԳՆԱՑԵՔ»

Փարավոնն ասաց. Ես ձեզ կթողնեմ, որ գնաք և ձեր Տեր Աստծուն զոհ մատուցեք անապատում, միայն թե հեռու չգնաք: (Ելից 8.28)

«Գնացեք, բայց շատ հեռու մի գնացեք»:

- Այսինքն՝ «Դուրս եկեք Եզրիպտոսից, բայց այնքան մոտ մնացեք, որ անհրաժեշտության դեպքում կարողանաք վերադառնալ»:
- Սա ներկայացնում է այն քրիստոնյային, որն Աստծուն հետևում է, բայց դեռ կապված է իր անցյալի հետ: Նա եկեղեցում է, սակայն սրտով շարունակում է նայել Եզրիպտոսին:

Աստված նրանց հստակ պատվիրել էր.

Կյանքդ փրկի՛ր, հետ չնայեն: (Ծննդոց 19.17)

Ղովտի Կինը հետ նայեց ու աղի արձան դարձավ: (Ծննդոց 19.26)

Հիսուսն ասաց. Հիշե՛ք Ղովտի կնոջը: (Ղուկաս 17.32)

- Իսրայելացիները ֆիզիկապես դուրս եկան Եզրիպտոսից, բայց հետագայում նրանցից շատերի սրտերը դեռ Եզրիպտոսում էին.

Մենք հիշում ենք Եզրիպտոսում մեր ծրի կերած ձկները, վարունգները, սեխերը, պրասները, սոխերն ու սխտորները: (Թվոց 11.5)

- Հիսուսն ասաց. Ոչ ոք չի կարող երկու տիրոջ ծառայել: (Մատթեոս 6.24)

- Աստծուն մոտենալու համար պետք է պատրաստ լինենք հեռանալ այն ամենից, ինչը մեզ կապում է հին կյանքի հետ:

Եթե մեկը Քրիստոսի մեջ է, նա նոր արարած է. հներն անցան, և ահա ամեն բան նոր եղավ: (Բ Կոր. 5.17)

Փարավոնն ասում է. «Յիսուսին հետևիր, բայց շատ հեռու մի գնա»:

Եթե մեկը կամենում է Իմ հետևից գալ, թող իր անձն ուրանա, ամեն օր իր խաչը վերցնի և Իմ հետևից գա: Դուկաս 9.23

Ոչ ոք, ով ձեռքը մածի վրա է դնում և հետ նայում, Աստծու արքայությանը հարմար չէ: (Դուկաս 9:62)

Մենք չպետք է Եգիպտոս վերադառնալու բաց դուռ թողնենք:

3. ԵՐՐՈՐԴ ՓՈԽՋԻՋՈՒՄԸ. «ԹՈՂ ՄԻԱՅՆ ՏՂԱՄԱՐԴԻԿ ԳՆԱՆ» (ԸՆՏԱՆԻՔ)

Փարավոնը նրանց ասաց. Ովքե՞ր են գնալու: – Ելից 10.8

Մովսեսը պատասխանեց. Մենք գնալու ենք մեր երիտասարդներով և մեր ծերերով, մեր տղաներով և մեր աղջիկներով, գնալու ենք մեր հոտերով և մեր արջառներով, որովհետև դա Տիրոջ տոն է մեզ համար: (Ելից 10.9)

Բայց փարավոնն ասաց.

Ոչ այդպես, այլ գնացե՛ք դուք՝ տղամարդիկդ, և պաշտե՛ք Տիրոջը...: (Ելից 10.11)

- Այսօր հոգևոր պատերազմը ոչ միայն անհատի, այլև ընտանիքի դեմ է:
- Սատանան նույնպես գիտի, որ եթե չկարողանա կանգնեցնել մեզ, կփորձի պահել մեր հաջորդ սերունդը:

Նա ասում է. Դու աղոթի՛ր, բայց ընտանիքիդ համար հոգևոր տեսիլք մի ունեցիր:

Դու եկեղեցի գնա, բայց քո տունը մի դարձրու երկրպագության վայր:

Չեսուն նույնպես հայտարարեց.

«Ես և իմ տունը Տիրոջն ենք ծառայելու»: (Չեսու 24.15)

«Այս խոսքերը, որ այսօր քեզ պատվիրում են, քո սրտում թող լինեն: Դրանք սովորեցրո՛ւ քո որդիներին»: Երկրորդ (Օրինաց 6.6-7)

- Մովսեսի պատասխանը վճռական էր. **«Բոլորս ենք գնալու»:**

4. ԶՈՐՐՈՐԴ ՓՈԽՋԻՋՈՒՄԸ. «ՁԵՐ ՀՈՏԵՐԸ ԹՈՂ ՄՆԱՆ»

Փարավոնը կանչեց Մովսեսին և ասաց. **Գնացե՛ք և պաշտե՛ք Տիրոջը. թող մնան միայն ձեր հոտերն ու արջառները. ձեր ընտանիքներն էլ թող գնան ձեզ հետ:** (Ելից 10.24)

- Այժմ փարավոնը պատրաստ էր բաց թողնել ամբողջ ժողովրդին, բայց ցանկանում էր պահել նրանց ունեցվածքը:

Այսիքն, հոգևոր կյանք առանց զոհաբերության:

Փարավոնի առաջարկն այս էր. Դուք կարող եք անձամբ գնալ, բայց ձեր ունեցվածքը թող մնա իմ իշխանության տակ:

Սատանան չի անհանգստանում այն երկրպագությունից, որը մարդուց ոչինչ չի պահանջում: Սակայն իրական երկրպագությունը միշտ ունի զոհաբերության գին:

Մովսեսը պատասխանեց.

Մեր հոտերն էլ մեզ հետ պիտի գնան. դրանցից մի կձղակ անգամ չպիտի մնա, որովհետև **դրանցից ենք վերցնելու մեր Տեր Աստծուն զոհելու համար:** Մինչև այնտեղ գնալը մենք չգիտենք, թե ի՞նչ պիտի զոհենք Տիրոջը: (Ելից 10.26)

«Ոչ մի կձղակ չպիտի մնա» նշանակում է՝ ամեն բան պատկանում է Աստծուն:

Քո կյանքը, ընտանիքը, ժամանակը, պարզևները
կարողությունները և ունեցվածքը պատկանում են
Աստծուն:

Պողոսն ասում է.

Ձեր մարմինները ներկայացրե՛ք որպես կենդանի, սուրբ և
Աստծուն ընդունելի զոհ. սա է ձեր բանական
պաշտամունքը: (Հռոմեացիս 12.1)

ԻՆՉՈ՞Ւ Է ՓՈԽՁԻՋՈՒՄՆ ԱՅԴՔԱՆ ՎՏԱՆԳԱՎՈՐ

- **Փոխ-զիջումը սովորաբար սկսվում է փոքր զիջումով:**

Մի՞թե չգիտեք, որ մի փոքր խմորն ամբողջ զանգվածն է
խմորում: (Ա Կորնթացիս 5.6)

Փոքր փոխզիջումը կարող է դառնալ մեծ կապանք: Այն, ինչ
մենք այսօր հանդուրժում ենք, վաղը կարող է իշխել մեզ վրա:

- Սամսոնի անկումը մեկ օրում չկատարվեց: (Դատ. 16):

ՄՈՎՍԵՍԻ ՀԱՂԹԱՆԱԿԻ ԳԱՂՏՆԻՔԸ

Նա համբերեց՝ կարծես Անտեսանելիին տեսնելով: Եբրա. 11.27

- Մովսեսը կարողացավ մերժել փարավոնի առաջարկները,
որովհետև նա տեսնում էր մի բան, որը փարավոնը չէր
տեսնում:

**Նայելով Հիսուսին՝ հավատի զորագլխին և կատարողին:
Եբրայեցիս 12.2**

- Մենք նույնպես երբեք չպետք է փոխզիջման գնանք մեղքի և սատանայի հետ: Աստված փրկեց Իսրայելին Եգիպտոսից, և Քրիստոս Իր արյամբ մեզ ազատել է մեղքի իշխանությունից:

**Արդ, եթե Որդին ձեզ ազատի, ծշմարտապես ազատ կլինեք:
Հովհաննես 8.36**

Փրկությունը Եգիպտոսից միայն դուրս գալը չէ: Փրկությունը նաև Եգիպտոսը մեր սրտից դուրս հանելն է:

Այսօր Տերը մեզ կանչում է ամբողջական նվիրումի.

Ոչ մի փոխզիջում: Ոչ մի վերադարձ դեպի աշխարհ: Ոչ մի ընտանիքի անդամ ետևում: Ոչ մի կճղակ Եգիպտոսում: Ես և իմ տունը Տիրոջն ենք ծառայելու:

«Մենք այստեղ չենք մնալու»:

«Բոլորս ենք գնալու»:

«Ոչ մի կճղակ չպիտի մնա»

**ԻՆՉ Է ԱՍՈՒՄ ՍՈՒՐԲ ՀՈԳԻՆ ՔԵՉ ԱՅՍ ՊԱՏԳԱՄԻ
ՄԻՋՈՑՈՎ**